

度支奏議

度支奏議目錄

冊庫一卷

汰冗漸有次第助餉宜裏畫一疏

藩工協濟未清全楚京邊久逋疏

題覆浙江山東甘肅冗官冗役疏

查報二部料價錢糧疏

覆應天巡按溫御史清查錢糧疏

覆周刑科議革有司火耗弊源疏

覆議海州漕米不宜攤派各屬疏

度支奏議卷之一

太子太保戶部尚書消青畢自嚴視草

汰冗漸有次第助餉宜裒畫一疏

題爲汰冗漸有次第助餉宜裒畫一懇乞

聖明勅令速行起解以遵

明旨以裕接濟事冊庫山西清吏司案呈崇禎二年
七月二十八日奉本部送戶科抄出山西巡撫
耿如杞題爲遵

旨查汰冗官冗役併議調補廳官事內稱通共裁去

冗官一百四十七員冗役二千一百六十六名
裁省銀二萬一千七百五十七兩三錢一分五
釐內除留抵 瑞府贍田銀七千八百四十三兩
七錢七分外尚該銀一萬三千九百一十三兩
四分五釐扣解三關管糧衙門抵充年例等因奉
聖旨該部各與履行欽此○該陝西巡撫劉廣生題爲遵
旨裁汰冗員等事內稱裁汰官五十三員歲省銀六
千五十二兩二分七釐九毫八絲解布政司奏
充新兵經費年終造冊報查等因奉

聖旨山西一省耿如杞裁汰省銀二萬一千七百餘兩抵充京運及瑞府贍田這所裁未盡還着併查具奏仍扣抵正項各官咨部改選訓導離任扣缺照通例行該部知道欽此又該山東巡撫王從義題爲遵

旨查汰冗官冗役等事內稱裁過文武員役薪俸工食等銀共九千二百六十八兩三錢一分以部文到日爲始扣解助邊等因奉

聖旨東省府州縣多於山西這裁冗助餉未及該撫

額數之半還再清查具奏該部知道欽此又該順
天巡撫王元雅題爲乞汰冗員等事內稱查汰
冗員役歲省俸薪工食銀二千七百三十一兩
九錢三分五釐米八十七石六斗遇閏加銀二
十二兩二錢五分通俟裁缺離任之日爲始類
徵解部充餉等因奉

聖旨該部查酌具覆欽此又該順天巡按陳睿謨題
同前事等因奉

聖旨已有旨了該部知道欽此又該湖廣巡撫洪如

鍾題爲遵奉

聖旨查汰冗官等事內稱裁汰冗員歲省俸薪共七千二百九十四兩五錢七分九釐每年抵充年例歲以爲常等因奉

聖旨該省轄十五府官多裁少還再行清覈具奏俸薪充餉及咨選扣缺照通例行該部知道欽此又該順天巡撫王元雅題爲奉

詔陳言仰祈

聖鑒事內稱裁報皂快等役共七百名等因奉

聖旨這裁役工食查係額派今作何開銷據奏不行
開報州縣尚多還再加嚴覈違玩因循的以不職
論其房山永清申稱扣減十三充餉各州縣是否
通行一併查明具奏該部知道欽此又該應天巡
撫曹文衡題爲遵奉

明旨查汰冗役以安民生等事內稱徽寧池太應天
廣德蘇松常鎮九府一州文武員役類冊呈汰
歲省銀一萬三千六百餘兩零已經題奏等因
奉

聖旨該部知道欽此又續據徽安道王公弼呈稱續
汰衙役共九百五十二名歲省工食等銀一千
三百一十二兩三錢六分九釐糧共四十二石
俱以裁汰之日爲始扣解助餉等因奉

聖旨這續汰冗役銀糧照例扣助邊餉該部知道欽
此又該宣府巡撫郭之琮題爲遵奉

明旨查汰冗員等事內稱各道呈裁冗官十八員省
俸銀三百七十九兩一錢七分等因奉

聖旨該部照通例覆行欽此又該甘肅巡撫梅之煥

題爲裁革冗員以裕

國用事內稱撫屬應裁永昌衛知事等官二十四員等因奉

聖旨該部知道欽此又該大同巡撫張宗衡題爲遵奉

明綸議裁冗員等事內稱應裁訓導等官二十五員等因奉

聖旨吏部知道欽此又該寧夏巡撫耿好仁題爲欽奉

聖諭事內稱寧夏衛知事等官四員歲省俸薪銀一百二十八兩四錢以濟軍餉等因奉

聖旨這應裁員缺照通例補扣府廳報缺卽補何得
以懸選陞等事併與覆行該部知道欽此又該江
西巡撫魏照乘題爲奉

詔陳言等事內稱爲新餉計將府州縣共裁冗役九
百五十三名連司道裁減歲省工食銀共五千
一十八兩三錢六分解部充餉俟榆關平日仍
歸本省項下以備緝守等因奉

聖旨該部知道欽此欽遵通抄到部又准吏部咨爲
殷憂所以啓

聖力行乃可奏功等事內稱河南巡撫丘兆麟該省
奉文議裁冗官三十七員省銀三千二百二十
六兩四錢三分六釐七毫解部充餉等因奉

聖旨近來內外冗官甚多該省應裁員額尚不止此
還着張潑悉心酌裁這已裁各官該撫按查近地
員缺咨部銓補願赴部改選者聽薪俸等項截日
住支年終解部充餉俟遼平再議該衙門知道欽

此又准吏部容爲乞汰冗官以紓

國用事內稱鳳陽巡撫李待問裁過冗官六十六員盡行議裁等因奉

聖旨吏部知道欽此又准吏部容爲乞汰冗官等事內稱保定巡撫解經傳議裁天津左衛屯田經歷等官一十六員俟書門皂快等役薪俸工食銀兩悉行解部等因奉

聖旨裁汰各官撫按查就近員缺咨部銓補已有旨這本內訓導俟離任扣缺併着議覆通行該部知

道欽此又准山東巡撫王從義咨爲亟催未完事
內稱續裁膠州判官昌邑縣魚兒舖巡簡歲省
俸薪銀三百三十四兩四錢四釐俟前疏下部
之日查照等因又該江西巡撫魏照乘題爲汰
冗官以紓

國用等事內稱裁過訓導八員布政司理問一員
府知事六員縣丞十八員通計薪俸工食銀三
千七百八十五兩八錢九釐遇閏加銀一百六
二兩七錢一分解部充餉等因奉

聖旨這應裁員缺及冗弁汰除俱依議各官改選咨補教官陞任後裁照通例行該省縣多全設果否悉係舊制更難汰減撫按官還再加酌議具奏該部知道欽此又准廣西巡按楊述程咨稱本省應裁三司首領與

靖江王府右長史併八所雜職及各府屬同知通判丞簿教職倉巡驛遞冗官實共五十三員計節省捧鈔及汰除從役工食通共銀二千八百二十五兩七錢三分零等因移咨到部送庫奉

此案呈到部除咨補銓除等事係吏部職掌聽
該部題覆及山西一省已經臣部具覆奉有

俞旨裁省銀兩抵充三關年例訖復查已報裁而見
在駁奏者則有河南山東湖廣陝西江西等處
已報冗官而各員下人役未報者則有鳳陽大
同甘肅等處已報裁過員役而未詳開俸薪銀
兩數目則有鳳陽大同等處尚未報到者則有
浙江福建四川廣東雲貴等處又陝西擬充彼
處新兵月糧而奉

旨扣抵正項順天裁過人役止報名數而奉

旨查係額派作何開銷江西誤認爲新餉相應改充
舊餉湖廣擬充彼處年例夫黔餉原有正額且
川貴漸次盪平矣此餉應解臣部無容再議是
舉也通例昭垂凜承有準且臣部屢經移文計
奉行何難一致今

國家景運維新官常懋建星羅碁布臂使指聯粵
自師濟以來於斯爲盛向緣承平日久駢拇漸
多兼之師旅煩徵供億不繼與其十羊九牧幾

成人滿之壑何如省費養兵少佐軍興之急此
廷議以汰冗官冗役

請雖經節蒙

允俞而猶謂俟遼平再議蓋於清叙流品之中暫爲
權宜樽節之計也該撫按諸臣恭承

明旨旣欲剔去贅冗裨益

國用尤恐虧損全盛阻滯仕途據奏報已到下臣
部具覆者卽多寡不同所

請微異慮無不勤思綿恤誼切撤助矣除俸薪工食

未明者容臣部移咨另覈外臣等復查該撫按
原疏其所裁省銀兩或謂以裁汰之日爲始者
或謂以部文到日爲始者或謂以離任之日爲
始者夫離任之日爲始惟訓導一官日暮途窮
改銓難俟我

皇上垂恩憐憫令其任滿扣缺自訓導而外則有年
終解部充餉之

明旨無論文武官員及各項人役其覆查者不妨
續報其已報者自應畫一臣等再三斟酌各以

旨下之日爲始憑其具奏之先後亦還以各得之分
數耳惟是時已初冬距年終無幾凡報過應扣
銀兩刻下卽當起解此係額編庫貯無煩等待
者懇乞

天語再一申飭務於今歲年裏解完如有違限拖欠
者容臣等指名叅處則又所以信
功令而濟眉急也臣等可任悚息待
命之至

崇禎二年十月十一日具題本月十四奉

聖旨這汰冗應扣銀兩各依奉旨日期住支起解助
餉務於歲內解完違限拖欠指名叅處覆查的作
速續報着通與申飭欽此

藩工協濟未清全楚京邊久逋疏

題爲

藩工協濟未清全楚京邊久逋懇乞

勅該撫按會查明確勒限解抵以濟軍儲事湖廣清
吏司會同冊庫山西清吏司案呈奉本部送准
湖廣巡撫洪如鍾咨爲

兩藩工程緊急遵

旨那借完解謹陳銷算清楚錢糧事內稱准工部咨
該本部題爲

藩工協濟不前遵

旨通融應急懇乞

聖旨俯允以襄

大典事等因奉

憲宗皇帝聖旨是那用戶工二部京邊等銀旣具覆
卽依議行其各省直協濟欠數抵補前銀的行各
撫按嚴督各該管官速解赴京不得稽遲違悞桂
工加增漏估銀三萬兩着廣東納附銀撥補以濟
急需早襄大典欽此欽遵移咨到院案查

兩藩並建工費浩繁先經估價共一百三萬九千七百二十兩三錢六分內本省題留坐充銀四十九萬五千八十七兩商工部及各省直題派協濟銀五十四萬四千六百三十三兩三錢六分嗣因省直協濟不前本省藩司借動別項錢糧聽各該衙門清算外實借過戶部太倉銀五萬二千七百九十六兩八釐漕折銀二萬二千二百七十六兩二錢五分三釐乾魚銀三千八百一兩九錢三釐商稅銀五千三百六十三兩

二錢八分四釐昌平銀九百二十一兩七錢五
分富戶銀八百四十九兩一錢二分丁糧銀二
千一十六兩七錢三釐漕糧改折正銀一萬七
千五百九兩九錢九分四釐以上共銀一十萬
五千五百三十六兩八分九釐內南直隸五府
欠解協濟銀一萬七千四百六十六兩九錢二
分北直隸八府欠解協濟銀四千一百一十七
兩七錢六分
福建欠協濟銀八千四百九
兩五錢三釐江西欠解協濟銀一萬四千二百

一十二兩五錢河南欠解協濟銀三百六十四兩七錢一分四釐山東欠解協濟銀七千三百一十兩山西欠解協濟銀六百八十七兩三分五釐以上各省直尚欠協濟錢糧共五萬二千五百六十八兩四錢三分九釐俱應移文各該省直照數徑解赴部又南京工部欠解協濟銀兩除該省將應解該部錢糧照數扣還外尚少銀五萬一千六百一十兩七錢三分五釐仍照原題應於南戶兵二部折布折絹工料銀內追

補起解又本省借動過戶部太倉并昌平銀共
一千三百五十六兩九錢一分五釐亦應於該
省題留各項未完錢糧補還起解庶

藩工借解蚤得結局而撥還錢糧各有歸着等因
又據湖廣布政司咨呈爲呈明借解京邊錢糧
事先蒙巡按湖廣溫御史案驗奉都察院准工
部抄出巡按溫御史題前事奉

熹宗皇帝聖旨柱藩之國吉期已定豈容再緩該藩
經費尚欠三十餘萬看本省不拘何項錢糧速與

那奏濟用欽此欽遵轉行到司本司隨經借過應
解戶部太倉漕折乾魚商稅等銀自天啓元年
起至七年止共借銀一十三萬六千九百三十
九兩七錢二分四釐內天啓元年米折銀三百
六十八兩九錢九分五釐二年漕折銀一萬二
千六百四十七兩九分五釐三年米折等銀一
萬八千二百七十兩一錢八分七釐四年米折
等銀二萬八千二百六十二兩一分四釐五年
乾魚等銀六百九十五兩二錢六分五釐六年

米折等銀四萬二千六百六十九兩一錢八分
八毫七年米折等銀三萬二千八百八十兩七
錢四分又甲丁二庫銀一千一百四十六兩二
錢四分八釐俱遵

旨那借去訖屢奉部查今將州縣完解數目造冊呈
報等因各到部送司查得楚撫咨開借用銀數
與藩司冊報數多寡互異似當以藩司爲正相
應題

請勅令解還案呈到部該臣等看得湖廣之金建

兩藩也

桐封峙望工作齊興

展親之意孔篤而盤石之業弗拔蓋經費以鉅萬計
云始虞楚省物力或絀於是多方分派協濟繼
以期迫協濟不前於是借用起解錢糧自

藩工一用起解錢糧而協濟之未完者皆委爲已
結之局無復問抵還矣自起解錢糧用於

藩工而郡邑之風逋者皆借口那移之名不得稽
分數矣迄今工已告竣而抵補之銀竟未解部

歲已屢更而考成之典一槩寬假頃據楚撫及
藩司各先後開報到部撫咨之應補者止十萬
五千五百兩零司冊之借動者至十三萬六千
九百兩零以楚撫之咨較藩司之冊覺少銀三
萬餘兩及查司冊條分縷析俱有州縣起解款
項細數可見那借是真是撫咨略而司冊詳當
以司冊爲據明矣夫軍餉之空匱莫甚於此時
功令之肅一真茲此時乃京邊錢糧爲水衡代置
一事而那至十三萬六千兩日久不補竟成

烏有外解幾何而當此耗蝕爾爾哉今各省直
之協濟者不知已徵完在庫否又不知已起解
赴楚否茲令徑解赴部大慮互相推諉未能按
圖而索償也乃若所云五萬一千六百一十兩
零容稱仍照原題于南戶兵二部折布折絹工
料銀內追補起解是仍當問之楚省不必索之
南部矣又藩司冊多開銀三萬兩亦須確有着
落庶便計日追補慎毋徒如鏡花水月塵飯土
羹付之空談已也

自茲暫矣伏祈

勅下湖廣撫按轉行該布政司速將前項那借錢糧
再一覆核明確要見借過某項應於某項抵補
其各省直有續解者楚省徑自解部有未解者
徵收何地坐落何年亦令楚省對質明白具奏
欽立限期勒令轉解至於南部錢糧卽令該省查照
原題款項扣留陸續解補其影射推諉者罪在
該省藩司許臣指名入告恭聽

處分庶借還可清而軍儲有裨臣且按冊而覆覈該
省比年之完欠以通例從事次第叅罰不得終

以那用二字爲竄情長吏護身之符矣臣可任
悚息待

命之至

崇禎二年十月十六日具

題本月二十日奉

聖旨京邊錢糧暫抵藩工協濟久未解還必有侵隱
情弊著湖廣撫按責成該布政司備查款項已解
到者速行轉解未解到者列款奏明併應解南部
錢糧扣留補解奉旨卽與回奏不得稽延推諉該

衙門知道欽此

題覆浙江山東甘肅冗官冗役疏

題爲冗冗已經

奏報助餉不宜緩期懇乞

聖明勅令速行扣解以裕

國計事冊庫山西清吏司案呈崇禎三年二月初
五日奉本部送戶科抄出巡按浙江監察御史
李柄題爲遵

旨查汰冗員冗役以助遼餉事內稱合屬各府州縣
共裁去冗官四十九員每歲節省俸薪工食等

銀五千八百五十三兩六錢三分有奇又裁去
冗弁共二十五員每歲節省廩丁等銀一千三
百八十五兩六錢一分俱以

命下之日爲始每歲照數扣解助餉等因又該巡按
浙江監察御史吳之仁題爲欽奉

聖諭事本年二月初四日俱奉

聖旨該部知道欽此欽遵抄出到部送庫案查先該
山東巡按王政新題爲遵

旨再裁冗員冗役以裕邊儲事內稱鄒平武定等衛

門續裁佐二訓導等官四十二員共省銀三千
九百四十九兩七錢八分六釐八毫各道中軍
共省銀一百五十三兩二錢汰過冗役銀一萬
一千七百九十七兩四錢七釐通共續裁銀一
萬五千九百兩三錢九分三釐八毫合之先裁
過九千二百六十八兩三錢一分總計冗員冗
役通裁有二萬五千一百六十八兩七錢零以
命下之日爲始扣解助餉等因奉

聖旨該部知道欽此又該甘肅巡撫梅之煥題爲乞

汰冗官以紓

國用等事內稱續裁去冗官斷事同知等九員共節省銀八百七十八兩四釐三毫連前疏報裁冗官二十四員每年節省銀五百八十兩三錢一釐二項通共銀一千四百五十八兩三錢一分三釐三毫在本地者照數扣留在蘭州金縣狄道隴西者候

命下之日徑行彼處催取抵充年例等因又該陝西巡按張應辰會題前事俱奉

聖旨該部知道欽此欽遵相應類覆案呈到部除銓
除加銜係吏部職掌合聽該部酌覆外案查臣
部於崇禎二年十月內汰冗漸有次第疏欵開
查已報裁而見在駁奏者則有河南山東湖廣
陝西江西等處已報冗官而各員下人役未報
者則有鳳陽大同甘肅等處已報裁過員役而
未詳開俸薪銀兩數目則有鳳陽大同等處尚
未報到者則有浙江福建四川廣東雲貴等處
覆奉

欽依咨行去後今據浙江按臣李炳吳之仁題稱裁
去通判等官四十九員并冗弁二十五員歲共
節省銀七千二百三十九兩二錢四分山東按
臣王政新會同撫臣王從義題稱再裁過冗官
冗役歲省銀一萬五千九百兩零連前次歲省
銀九千二百六十八兩零通共裁過銀二萬五
千一百六十八兩零甘肅撫臣梅之煥會同按
臣張應辰題稱裁去斷事等官九員名連前裁
過二十四員名共省銀一千四百五十九兩三

錢一分三釐三毫以上裁定數目較勘多番漂
承有準見今軍興孔亟餽餉殷繁土壤雖瘠
不辭涓滴亦大海之助矧以贅冗之餘裁充正
項之需是轉無用爲有用固無煩再計而決矣
除訓導寒官任滿扣缺外其餘裁去文武員役
俸薪工食等項所當遵照

明旨命下之日卽行截數起解以濟時艱者也此項
原係額編庫貯無煩等待懇乞

天語再加申飭務於今歲四月內盡數解完如

欠容臣等指名叅處恭候

命下遵奉施行

崇禎三年三月初八日具

題本月初十日奉

聖旨這裁過冗官冗役俸薪等項銀兩原係額編庫
貯如何不卽解進爾部還嚴限行催用資軍餉欽
此

查報二部料價錢糧疏

題爲查明料價錢糧遵

旨回奏事冊庫山西清吏司案呈崇禎三年二月二十四日奉本部送戶科抄出該工部尚書南居益等題爲欽奉

上傳事本年二月十三日奉

上傳工部查各省直額解盔甲刀弓箭器械動支何項錢糧及經管造作員役開寫明白奏來欽此傳出到部遵將各省直每年額解軍器數目及天

啓元年至崇禎二年止各完欠清數與管解造
作員役逐查明白開坐具題外所有動支錢糧
或係額徵各府州縣地畝銀兩或係衛所屯糧
造辦進京俱係各該布政司每年呈詳兩院委
官督造解納臣部止司驗進而額設動支之數
隸在戶部開造以及各該省直之坐派臣部不
得而稽也伏乞

勅下戶部將動支錢糧欵項數目行查明確立限回
奏等因奉

聖旨這各省直額解軍器數目及節年完欠并經營造作員役知道了錢糧著戶部便將動支欵項數目查明立限回奏欽此欽遵抄出到部送庫案呈到部該臣等查得軍器一項隸在工部伏讀

大明會典洪武七年沿至嘉靖俱解本色無異惟嘉靖元年奏

准浙江江西福建湖廣布政使司并南直隸蘇州府歲額民弓箭弦徵價解部於軍器局雇匠圍造又四年奏

准仍解本色又三十年奏

准南方民弓箭弦通行折價解京此弓箭弦條之成
案載在

會典可按也其盔甲團牌長鎗斬馬刀等項派有
成數輸有專責載在

會典甚悉俱入工部編次中今該部以額設動支
之數問及臣部奉有錢糧着戶部將動支款項
數目查明立限回奏之

臣即備行十三司各司官督率吏胥簡查故牘止

據浙江布政司造報賦役全書起運項下開載
每年實徵弓箭弦共該價銀一萬五千九百二
十兩或本或折該省給銀造辦又有軍器民七
本色銀四千五百六十兩一分九釐二毫或本
或折亦係該省給銀造辦本部並無移文催徵
催解又據湖廣布政司報稱賦役全書起運項
下開載每年實徵弓箭弦條正銀三千八百五
十九兩三錢三分五釐一毫又扛解銀一百五
十四兩五錢五釐八毫四忽向係該省給銀差

官造辦又據江西布政司造報賦役全書起運
項下開載弓箭弦折價年分該銀一萬八千三
百三十四兩二錢七分三釐六毫水脚銀四百
二十一兩六錢九分一釐一毫零解料年分編
銀二萬四千四百二兩四錢四釐五毫水脚不
編又神器軍器民七料銀一千四百一十四兩
五釐四毫扛解銀三百二十九兩一錢一分六
釐二毫向係該省差官辦解又據福建布政司
造報賦役全書冊開民弓弦箭正價銀一萬九

百四十五兩五錢四釐額辦本色清油弓一萬
六千張線弦八萬條鐵頭箭二十萬枝共實給
匠價銀八千二百五十六兩減價扣留司庫充
餉銀一千八百四十兩尚該銀八百四十九兩
五錢四釐仍存司庫作正支銷軍器民辦銀四
千九十九兩六錢六分二釐三毫零額造本色
帽兒盔二千三百一十七頂紫花布甲二千五
百三領腰刀一千六百八十把共實給匠價銀
二千五百一十兩九錢三分二釐三毫零減價

扣留司庫充餉銀五百一十七兩九錢六分五釐給解官鋪墊銀六百七十五兩五錢一分九釐零盤纏銀三百九十五兩二錢四分五釐零向係該省辦解又據南直隸各府州造報賦役全書內開蘇州府造解工部民弓箭弦條料銀七百一十六兩八錢又鋪墊銀二百兩蘇太鎮三衛軍器民七銀一千二百四十九兩三錢四分零松江府造解民七弓箭枝料銀二百七十七兩七錢六釐零軍器民七料銀二百三十七

兩五錢四分零常州府造解工部箭枝銀一百六十兩又鋪墊銀一百二十兩鎮江府造解工部軍器料扛銀四百四十兩五錢四分箭枝料扛銀六百四十六兩八錢九分零安慶府造解工部打造起運軍器本折色料共價正銀二百四十四兩八分六釐每兩扛銀一分八釐該銀四兩四錢七釐九毫又查內有本色軍器應加桶櫃槓費每正銀一兩加徵銀一錢共加補桶櫃銀一十三兩七錢五分二釐徽州府造解工

部弓二千張箭二萬枝弦一萬條奉文改造本色箭銀一千八百三十八兩七錢五分九釐外正銀五十兩一錠加火耗銀三錢補平銀三錢共銀二十二兩二錢又加解役盤費銀三兩一錢五分又新安衛軍器共六千付民七該料價銀共五百四十六兩七分一釐槓銀四十五兩九錢一釐寧國府造解軍器料銀二百三十八兩四釐本色民箭價銀二百六十兩鋪墊銀一百三十兩每兩槓銀五分一釐三毫共損銀二

十兩太平府造解工部本色軍器銀一百七十
六兩五錢三分四厘損銀一十七兩六錢五分
三釐共銀一百九十四兩一錢八分八釐折色
箭料價銀三百九十兩加平銀二兩三錢四分
損銀六兩二錢四分共銀三百九十八兩五錢
八分廬州府造解工部軍器民七料銀六百二
十兩六錢鳳陽府造解工部軍器并水腳銀共
四千一百四十九兩九錢淮安府造解工部箭
枝并水腳銀共二百七十兩六錢楊州府造解

工部軍器并鋪墊水脚共銀一千一百五十二兩九錢零箭枝并水脚鋪墊銀共四百五十二兩一錢零廣德州造解工部錐箭銀等項共三百四十八兩八錢八分三釐以上各省直俱自行辦解工部本部並無移文催徵催解其餘工部所開額解軍器地方如九江衛天津衛天津左衛天津右衛河間衛滄州守禦千戶所大同中屯衛瀋陽中屯衛潼關衛蒲州所德州衛德州左衛直隸寧山衛俱無賦役全書無憑簡查

外若徐州滁州河南并順天保定真定各府該
部所開軍器監甲弓箭等項錢糧俱賦役全書
所不載或亦偶有掛漏卽浙江湖廣江西福建
布政南直隸各府賦役全書內所登載者亦係
省直自行開報不係臣部派徵則動支之款項
數目之多寡仍聽工部自行問之省直臣不敢
諱所知爲不知故蹈推諉亦不敢強不知以爲
知自干妄對也謹據實回

奏伏乞

皇上勅下該部仍一簡查臣可任悚息之至

崇禎三年三月二十三日具

題本月二十五日奉

聖旨據奏各省直軍器錢糧該部既無額派又不催徵奉旨查明江南止憑賦役全書江北并無書可憑顯是兩部互諉以致拖欠相妨以後作何稽覈著與工部確議具奏欽此

覆應天巡按溫御史清查錢糧疏

題爲議發司府批單急清正額錢糧以杜消耗以
實庫藏事冊庫案呈崇禎三年五月二十六日
奉本部送戶科抄出巡按直隸監察御史溫國
奇題前事內稱省直歲解錢糧自崇禎四年爲
始請令臣部預給長單凡該年應解欸項備載
單內以緩急爲先後在省發布政司在直隸發
各府使多少先後卽於一單之中曉然易見臣
部於各該司府仍發印緘編定字號空批數十

張各該司府起解卽挨字號填用發去部批
杜詐僞稽遲之弊以省掛號銷號之煩又擬改
接濟爲正額其應接濟地方卽將正額照數扣
留又謂從前那移如

三王之國及募民船運漕糧等項多虛懸未補致
令府庫空匱卽如按臣該衙門原有積貯贖穀
六千石按臣賑安慶饑民用去二千石借發安
慶饑軍月糧用去二千石借抵災傷缺額漕米
用去二千石皆以不得已之役支銷立盡宜早

爲地方預計存留等因本年五月二十四日奉
聖旨錢糧設立批單洵足杜稽奸弊這奏便著該部
計議力行條畫規則具覆欽此欽遵抄出到部送
司案呈到部該臣等看得部批長單一節按臣
溫國奇敷陳幾無遺策允稱簡便直截臣部亦
惟是仰遵

明旨上以慰

宵旰之旰衡下以副揀時之石畫臣等方幸僭手敢
不奉以從事案查崇禎元年正月內該臣部題

照會計冊倉口本折總括全數設立州縣清單
每年於六月初一日頒發守巡各道督令州縣
照數征解仍將完欠數目及經徵職名填註明
白於次年十一月中旬申報到部分別議罰又
崇禎三年三月內該臣部覆

准戶科給事中葛應斗條議設立完解簡便限單
內止分某省某府應解京邊某某各衙門總撤
銀若干兩酌應用之緩急爲序次約道里之遠
近爲解期請定

欽限部科掛號俱於每歲孟冬先期頒發各省發布
政司直隸發各府計每司府銀可幾次解者卽
派發幾單多不過十單止其法以全額多者析
爲十分定爲十限少者照單分限大省大府每
月一單中省中府兩月一單小府止春夏秋冬
四單司府另立限單轉發州縣俱於單內親填
某月日差某人解各用印鈐務遵

欽限依期繳單單繳則銀完等因節經題奉

欽依頒行省直於以清正額而杜消耗似亦詳且悉

矣今按臣復議舉長單正額錢糧請括全數於片楮之上分緩急於先後之間精思確見種種苦心然與臣部原行之清單并近經覆

准頒發之限單條畫規則兩相脗合但清單止行於道府州縣按臣或未寓目限單頒發未久或按臣拜疏時尚未及周知耳夫行法者師其意不師其迹况政令甫垂爲法守名色不便於屢更合再申飭撫按轉行各屬將近奉

欽定催解京邊錢糧清單限單力爲奉行而長單卽

包括於其內矣又查天啓七年各省直批廻已
經臣部編定甲乙等字號用印頒發在卷第緣
歷時既久中間有不用部批而用司府批者又
近採臺臣之議行各州縣輪解之法亦有州縣
徑自起批者中間不無差池其各省直事體不
同如有願用部批者仍令如按臣議一稟臣部
編發而挨查字號窮詰稽遲則完納速而詐僞
消矣頃科臣葛應斗所題

兌繳單法卽繳批法也覈其所繳之單則完欠不啻

分明單以勒限而繳則掛銷何至延慢且撫按
二臣臣部所與共爲查催錢糧者若掛銷之法
廢而獨用部批則直臣部一手一足之力耳似
未見其便也獨是按臣疏中所云到京之日神
奸百出莫可詰問批迴印信無非弊數亦宜有
法以處於此請令各該巡按御史每歲於上下
半年各將按屬解過錢糧詳開起數月日並解
官職名用印逐項鈐蓋移冊臣部覈查臣部查
過明註到部與否仍用部印鈐蓋發回若循環

然互相對照則稽遲虛捏之弊或可以盡杜矣
此外惟如

明旨所謂力行者遵奉

功令務求實踐內外關隔旣通錢糧清楚自易清
單限單俱令按期呈繳而又立冊循環稽查之
法已詳已密似不必更爲議也若夫協濟改爲
正賦而卽令應受協濟者照數扣留舉緩急歸
於一地俾痛痒還於當身用塞委卸之端而提
呼吸之應解膠柱爲化瑟莫善於此所當一併

飭行者也至於設處存留儲於不涸抵還那借
一清夙蠹俱聽按臣極力振飭以奏阜成之績
務使府庫充實勿滋侵耗斯可以廣積貯而備
不虞矣伏乞

聖明鑒裁

~~奏~~下臣部轉行各該衙門遵奉施行

崇禎三年六月十七日具

題本月二十一日

聖旨長單旣與印單無異不必紛更各處用批不同

亦當以部發爲定仍立循環號冊用杜侵欺至改
協濟爲正額設處存留抵還那借等項都着該撫
按依限嚴催逐款清查歲終會計以課功罪該衙
門知道欽此

汰冗原資助餉日久報解不前疏

題爲汰冗原資助餉日久解報不前謹申違限叅處之

旨與諸臣再一約法事冊庫山西清吏司案呈崇禎三年六月初十日奉本部送戶科抄出河南巡按御史吳甦題爲遵

旨酌裁冗員事奉

旨旨該部知道欽此又奉本部送戶科抄出本官題爲汰無益之冗員以清無窮之冒破事奉

聖旨該部知道欽此欽遵抄出到部送司案查崇禎二年十月十一日先該本部題爲汰冗漸有次第助餉宜衷畫一等事奉

聖旨這汰冗應扣銀兩各依奉旨日期住支起解助餉務於歲內解完違限拖欠指名叅處覆查的作速續報着通與申飭欽此又該本部題爲汰冗已經

奏報助餉不宜緩期等事本年三月初十日奉旨這裁過冗官冗役俸薪等項銀兩原係額編庫

貯如何不卽解進爾部還嚴限行催用資軍餉欵
遵在案隨經本部通行省直催解去後尚未解
到相應題催案呈到部該臣等看得汰冗之舉
遵生衆食寡之經去十羊九牧之擾所省俸薪
工食等項銀兩編有正額徵有常期無煩措處
而可計日到部以供軍興誠計之得者也先是
臣部於去年十月及今年三月業已兩次題催
節奉

明旨勅以後至之罰而後各省直之報者始陸續繼

至第緣事係創始尚未有絲毫解入大倉者臣
不得不再請申飭令省直諸臣自惕於無所逃
之義蓋願其急公不願其負咎也查山西巡撫
耿如杞崇禎二年七月內具題裁汰冗官冗役
俸薪工食銀二萬一千七百五十七兩二錢一
分五厘內除扣抵

瑞府贍田銀七千八百四十三兩七錢七分尚該
銀一萬三千九百一十三兩四錢四分五厘扣
解三關年例見在扣抵宣府巡撫郭之琮於崇

禎二年九月內具題裁汰冗官俸薪柴馬銀三百七十九兩一錢七分七厘二毫抵充宣府年例見在扣抵大同巡撫張宗衡題爲遵奉

明綸等事議裁訓導等官二十五員查員下人役未報并未詳開俸薪銀兩數目

旨下吏部隨該臣部於汰冗漸有次第疏內附題行查未報亦應扣抵年例者也陝西巡撫劉廣生於崇禎二年七月內具題裁汰過冗官冗役銀六千五十二兩二分七厘九毫八絲遇閏扣算

加增給抵新兵經費奉

旨這所裁未盡還著脩查具奏仍扣抵正項未報此
應地方留用一年仍解還臣部者也寧夏巡撫
耿好仁於崇禎二年九月內具題裁汰過冗官
冗役銀一百二十八兩四錢抵充寧夏年例見
在扣抵甘肅巡撫梅之煥於崇禎二年十月二
十二日具題裁汰冗官俸薪銀一千四百五十
九兩三錢一分三厘三毫抵充甘肅年例見在
扣抵山東巡撫王從義崇禎二年八月內具題

裁汰文武冗官俸薪工食銀九千二百六十八兩三錢一分奉

旨還并清查其奏續於崇禎二年十二月內該巡按御史王政新具題續裁冗官冗役銀一萬五千九百兩三錢九分三厘八毫先後通共裁銀二萬五千一百六十八兩七錢三厘八毫准度巡撫洪如鐘於崇禎二年八月內具題裁汰冗官冗役俸薪工食銀七千二百九十四兩五錢七分九厘奉

直丹行清覆具奏未報江西巡撫魏照乘於崇禎二年九月內具題裁汰文武官員俸薪工食銀三千七百八十五兩八錢九厘遇閏加銀一百六十二兩七錢一分奉

旨丹加酌議尚未具報又汰冗役工食銀五千一十八兩三錢六分在案浙江巡撫陸完學等於崇禎三年二月內具題裁汰文武官員俸薪并各役工食銀七千二百二十九兩二錢四分河南巡撫丘兆麟於崇禎二年六月內具題裁汰冗

官冗後俸薪工食銀三千二百二十六兩四錢
三分六厘七毫奉

旨悉心酌裁崇禎三年六月內該按臣吳甦具題續
報裁省冗官冗役并

王府典膳教授等官俸薪工食銀四千三百五十
九兩八錢二分五厘一毫二絲八忽七纖廣西
巡撫楊述程於崇禎二年十月內具題裁汰冗
官俸薪工食銀二千八百二十五兩七錢三分
廣東總督王尊德於崇禎三年正月內具題裁

汰冗官冗役俸薪工食等銀六千五十三兩九錢零雲南按院甘學濶等於崇禎三年四月內具題爲會議已經

宸斷等事裁汰過修衙紙贖公費班價工食等銀共三千九百五十二兩七錢七分三厘應天巡撫曹文衡崇禎二年六月內具題裁汰冗官冗役俸薪工食銀一萬三千六百兩又續報汰省冗役工食銀一千三百一十二兩三錢六分九厘六毫五絲二項共銀一萬四千九百一十二兩

三錢六分九厘六毫五絲鳳陽巡撫李待問先
於崇禎二年閏四月內具題裁汰員役而未詳
開俸薪數目已經臣部題查去後續准該撫冊
報裁過冗官冗役俸薪工食銀五千一百二十
二兩一錢二分一厘五毫順天巡撫王元雅崇
禎二年八月內具題裁汰冗官冗役俸薪工食
銀二千七百三十一兩九錢三分五厘又米八
十七石六斗遇閏加銀二十二兩二錢伍分又
准吏部咨報保定巡撫解經傳議裁天津左衛

屯田經歷等官一十六員并書門皂快等役工
食銀兩悉行解部已經覆奉

欽依而無銀兩確數又准吏部咨報貴州巡按御史
蘇琰題裁冗官三十三員歲省俸薪工食銀二
千一百一十六兩三錢三分八厘米四百八十
一石二斗又節省吏目應

朝盤費銀二十五兩除都坪石坪二司吏目應汰
外尚有一十五員派銀三百七十五兩皆可徑
裁免行共裁省銀二千五百一十六兩三錢三

分八厘福建巡按張三謨等於崇禎三年正月
內具題裁汰文武冗官歲省俸薪及人役工食
冗費等項共銀一萬二千八十五兩三錢四分
七厘一毫遇閏加增俱充

惠桂二府贍田之用第裁冗原爲兵餉而設雖
桐封大典恐未可以此易彼也况目下贍田未定
則此銀尚茫無着落矣以上除各邊鎮扣留抵
充年例銀一萬五千八百八十兩三錢三分五
厘五毫外各省直應該解部銀十萬四百四十

五兩一錢八厘七毫五絲八忽七纖而福建山西之改抵贍田者不與焉第山西已奉

欽依而福建尚無成說此則事體不無微異者也已
該臣部節經具題通以

旨下之日爲始解部充餉奉有

明旨咨行日久乃尚未有起解分文以收然眉者至
於保定大同二處則并裁汰銀兩確數尚未可
得四川至今尚未

奏報雖云道之云遠而愆期亦甚矣相應一併行

催仍祈

天語再飭未起解者刻限起解不容拖欠分文未查
奏者速爲查奏毋容稽遲時日其福建裁省銀
兩原擬抵贍田者亦宜暫爲那解充餉以俟論
定倘諸臣猶然怠緩延捱將此額編貯庫者置
之何地而不助軍興一臂之用乎臣不惟不能
爲諸臣解實不敢再爲諸臣寬也請與諸臣約
凡報過裁省銀兩近省訂以八月遠省訂以九
月盡數解部有違限者比照京邊全欠例有不

貸之

國憲在勿謂臣部今日不言也既經該司案呈前
來相應題

請恭候

命下臣部移文各該督撫巡按衙門遵奉施行

崇禎三年六月二十九日具

題七月初三日奉

聖旨裁冗正爲佐餉銀兩原係額編奉旨已久如何
全未解到又保大尚無確數四川竟不奏報好生

藐玩姑依限勒催如再遲延司道等官照例叅處
該撫按著自行回奏欽此

覆周刑科議革有司火耗弊源疏

題爲仰體

皇上軫念臣鄉火耗之弊敬悉剖弊源因陳祛弊之
法以暢

皇仁以全民生事冊庫案呈崇禎四年四月二十二
日奉本部送戶科抄出刑科給事中周純修題
前事內稱臣累世編氓故耗搭爲切膚之痛大
抵正供外費於婪令之暗加僅十之一二費于
貪役之明索則十之三四今欲清其弊則惟有

民間傾錠一法舉忠信誠實爲衆所夙服之
人爲之長該布政司照法馬式鑄鐵錠五十兩
付各縣縣照式傳里長之家當徵收之期布政
司於平嘗花戶共該納銀若干總立縣票司行
於縣縣行里長傳令花戶收零銀照式成錠如
其原數納縣零剩則納縣充存留之用鐵錠上
仍鑿

欽定二字如此行之數目既定耳目習熟略有暗派
則遐陬頴蒙亦知非

朝廷之意願里長有力行不去必藉監司整飭者一
糧石之不清一投獻之挾制懇祈

皇上勅下監司清核糧石禁止投獻如有士紳勢豪
抗拒轉聞撫按叅處則法可必行而無阻撓矣
等因本年四月二十日奉

聖旨嚴禁火耗全在撫按監司端本飭屬乃能立法
便民這本內事宜有可採行的着該部酌議具
覆欽此欽遵抄出到部送司案呈到部該臣等
看得我

國家任土作貢而取之民以經費內外原留有餘
不盡之力於民間所望長民者寓撫字于催科
耳無奈汚吏之黷貨嗜若飴苛政之害民猛於
虎暗加明索赤子之膏血幾何左搭右添墨吏
之橐囊已滿興言及此真堪酸楚科臣周純修
洞晰民隱惆悵時艱欲斷里書銀匠那移捐勒
之弊根欲除修理盤纏虧折顧情之名色而請
鑄鐵錠於藩司頒繇票於赤曆選忠實收納于
里長酌大錠零剩以備分別支解本源清徹則

收解皆正大之良規途徑直捷則上下無旁出之雜症真從根本處起見也臣謹就科臣條議而再酌之頒鐵錠於藩司所以示畫一也合錠上庫以備內解零星存縣以備外支法最確也但繇票悉候藩司恐全省攤派紛繁頒發反致遲緩合無藩司督率州縣頒行鐵錠之後其五十兩合錠花名細數着州縣官照額分票如數輪納就中或有銖兩輕重升合參差小民赴司剖筭頗難而赴州縣講晰較易似更便之

收于忠實里長所以杜衙蠹之侵索也第以一人而催一里卽令秉公不擾猶慮奔走惟艱舍無以十季戶首任催以里長任收庶花戶既有主盟里長亦不任勞怨似更便也但或慮里長不得其人則侵漁科歛之弊難免其要莫先於擇忠實科臣所謂略倣漢中正之制爲衆所佩服者是也有不率則當聽民糾舉而繩以三尺矣又或慮小民不輸於官則逋負延捱之弊易滋其要尤在於明比較科臣所謂猾戶納銀稍

後則索其戶懲之是也若州縣慢令致期是陰
壞此法矣又宦門巨室錢糧多而氣焰盛或非
里長所能催償約束又將以短數成色爲小民
累仍當徑令交納州縣卽州縣亦必不敢多索
其贈耗科臣疏中所謂止查平嘗花戶赤曆者
意在斯乎此外科臣所欲借監司整飭者仍有
二事一則貴者收投獻爲奴僕而錢糧不問因
得恣爲影射一則富者寧厚給人田值而薄糧
爲售因而田去糧存此皆豪態惡習所必至之

情但富人雖利一時之便宜而破綻難縫猶
三尺之隨其後非若有勢要權力者可以作護
身之符也是在撫按責成監司先禁投獻花說
之姦俾遊惰不萌心于妄依次申清覈糧石之
法俾富豪不射利於減額此尤拔本塞源之法
耳臣部所爲曲體科臣愛民之苦心而調劑以
期必行者止此矣然有說焉南北風氣頗異習
尚亦殊此法最宜北地如中州二東畿輔一帶
而他省直或不盡然又江南邊地火耗原輕地

方或不湏此其應行應止仍聽彼中撫按自爲
裁酌且此爲不肖有司設耳若州縣有司能謝
絕贈耗及令小民自封投櫃實行有效者安所
用之倘有司居心不淨志在充橐則雖令民間
傾錠而漁獵剝削之巧仍爲蠹害古稱有治人
無治法并

明旨所謂端本飭屬乃能立法庶幾盡之是在有司
之自愛尤在撫按之察吏以安民者旣經科臣
具題前來相應覆

請恭候

命下臣部移文省直各該巡撫并咨都察院轉行各
巡按御史及布政司一體遵奉施行

崇禎四年六月十三日具

題本月十六日奉

聖旨錢糧責在有司糾劾貪殘嚴禁火耗責在監司
撫按止須恪遵屢旨實心奉行不在立法紛更這
具覆事宜既稱省直不能盡同且不必行欽此

覆議海州漕米不宜攤派各屬疏

題爲申明錢糧以專責成事冊庫山西清吏司案
呈崇禎五年十二月初三日奉本部送戶科抄
出總督漕運巡撫鳳陽等處戶部尙書兼都察
院右僉都御史李待問題前事內稱案查先該
臣等查得海州每年額該漕糧正耗及潤米共
一萬七千三百一十七石七斗五升緣連年
疲輸納不前該臣等酌分隣封攤帶庶可存此
予遺節經行據該府諸臣會議揚州府屬共代

海州漕米正耗連潤共二千九百一十五石
石照全書徵銀六錢共銀一千七百四十九兩
海州照數代揚屬州縣完解馬草鹽鈔絲絹蠟
茶等銀廬州府屬共代海州漕米正耗連潤共
一千五百七石一斗八升七合五勺每石照全
書徵銀六錢共該銀九百四兩三錢一分二厘
五毫海州照數代廬屬州縣完解麥折馬草等
銀淮安府屬山安二縣代海州漕米正耗連潤
共三千九百七十五石每石照全書徵銀六錢

共該銀二千三百八十五兩海州照數代山安
二縣備用馬匹漕折等銀至於輕賞蓆易等銀
仍係海州出辦等因於崇禎三年十月十五日
具題奉

聖旨海州瘠荒宜設法寬卹據奏以四年分漕米攤
派各屬以各屬折銀派該州代解賑民裕漕庶幾
兩便其未攤平米八千九百餘石并隨糧輕賞等
項仍著該州照數辦賑一併載入考成如違誤盡
各有歸該部知道欽此欽遵備行各屬一體遵照

去後今據前因該臣會同巡按直隸監察御史
饒京議照海州漕不攤派各屬一事經臣於三
年十月內題行者幸奉

欽依遵行業再運於茲漕糧幸不致悞而海州代解
各項錢糧仍有徵解不前者緣兩年以來大水
降割民生日蹙而歷來州官無一振敝起衰之
能因循至此查臣疏內開自四年爲始漕米不
完責在各屬折色不解責在海州原自縷悉伏
奉

明旨一併載入考慮如遲悞責有所歸不啻日星爲
炳已各屬鰓鰓然慮以爲海州積疲難復往往
善逋將來責成不明致有無累此亦必至之情
惟是該州卽號彫疲責任自不容卸是在該部
查明以後填發清單於廬揚兩府所屬及山陽
安東二縣原議欵項填註海州單內責以完解
庶海州絕推卸之路自當勉力考成而各屬幸
欵項之明益無諉心漕事矣等因十二月初二
日奉

聖旨戶部知道欽此欽遵抄出到部送司相應具覆
案呈到部該臣等看得總漕部臣李待問憫海
州之災疲將該州每年應解米一萬七千三百
一十七石七斗五升派廬州淮揚三府屬州縣
帶徵八千三百九十七石一斗八升七合五勺
爲海州代解而卽以三府屬州縣應解錢糧照
米數坐海州代完此亦權宜通融之善策也議
自崇禎四年爲始漕米不完責在三府折色不
完責在海州已經題明在案矣乃三府屬代解

漕米四五兩年業照數全完而海州代解折色
仍通欠如舊此三府鰓鰓然憂恐

功令未經申明既代海州完糧而又代海州受罰
致有不平之鳴也既經總漕部臣具題前來除
四年壓徵三年五年壓徵四年未完光祿京庫
折色職名相應改正海州查叅外其海州六年
壓徵五年漕米近以災傷題

請業已奉

旨全折似覺六年事體又與五年不同合無仍以海

州之漕米還之海州而以各府之折色歸之各府蓋挹此而注彼在錢糧終欠清楚去本而得折在災疲終屬有詞今議自崇禎六年爲始姑俟秋成之後撫按查核海州災傷重輕或改全折或准半折酌量軫卹俾各州縣各完正供以便考成仍俟海州清平卽復其舊庶不以一州之災散而爲各郡之災也恭候

命下臣部移文各該衙門一體遵奉施行

崇禎六年二月初一日具

題本月初二日奉

聖旨依議欽此